



Došla je skupina ljudi iz plemena 'Ukl ili 'Urejna u Medinu, ali im klima i hrana nisu odgovarale, pa su se razboljeli

Od Enesa ibn Malika, radijallahu anhu, prenosi se da je kazao: "Došla je skupina ljudi iz plemena 'Ukl ili 'Urejna u Medinu, ali im klima i hrana nisu odgovarale, pa su se razboljeli. Allahov Poslanik, sallallahu alejhi ve sellem, naredio im je da odu do deva zekata, te da piju njihovo mlijeko i mokraću kako bi se izliječili. Kada su se oporavili, ubili su čobana Allahovog Poslanika, ukrali deve i pobjegli. Vijest o tome stigla je rano ujutro, pa je Poslanik poslao ljude za njima. Ubrzo su bili uhvaćeni nakon što se razdanjilo. Tada je naredio da budu strogo kažnjeni i ostavljeni u pustinji. Tražili su vodu, ali im niko nije dao, pa su tako umrli." Ebu Kilabe je rekao: "Oni su ukrali, ubili, otpali od vjere islama i povelili rat protiv Allaha i Njegova Poslanika."

[صحيح] [متفق عليه]

Allahovom Poslaniku, sallallahu alejhi ve sellem, došli su ljudi iz plemena 'Ukl i 'Urejna kao muslimani. Zadesila ih je bolest od koje su im se stomaci naduli, pa im je boravak u Medini postao težak, jer im nisu odgovarali ni njena hrana niti njen zrak. Pa im je Vjerovjesnik, sallallahu alejhi ve sellem, naredio da odu do deva od zekata, te da piju njihovo mlijeko i mokraću. Oni su otišli, a kada su ozdravili, ugojili se i povratila im se boja lica, ubili su čobana Allahovog Poslanika, sallallahu alejhi ve sellem, i otjerali deve. Vijest o tome stigla je početkom dana, pa je Poslanik poslao ljude u potjeru za njima. Sustigli su ih, i kada je dan već poodmakao, dovedeni su kao zarobljenici pred Vjerovjesnika, sallallahu alejhi ve sellem. Tada je naredio da im se odsijeku ruke i noge, te da im se oslijepi vid, jer su isto to učinili čobanu, te su bačeni u kamenitu pustinju. Tražili su vodu, ali im nije data, sve dok nisu umrli. Rekao je Ebu Kilaba: "Oni su počinili krađu, ubistvo, otpali su od vjere nakon što su postali muslimani, te su zaratili protiv Allaha i Njegovog Poslanika."

<https://www.sunnah.global/hadeeth/bs/show/66205>

